

ÿnsren / nâchkomen die jn disem Bund begriffen sint. mit der selben Vesti gewârtig vnd gehorsam ze sint. Vnd och disen Bund dannenhin die Jârzal vß. mit ÿns getrûlich vnd vesteklich ze haltend jn Aller der Wÿse vnd mâß. Als der Abgegangen / Ald verkerter Burgherr. des geschworn hatt der denn vor jm da gewesen ist Ân all gevârd. Vnd dârvmb daz disû gût getrûw Buntnuß Also vest stât vnd vnuerkert belÿb. Vnd von ÿns baiden tailn getrûlich vnd frûntlich gehalten vnd / gelaist werd. mit allen bedingden stukken vnd Artikkeln: Als hie vor An disem brief geschriben stât vnd mit Worten beschaiden ist Ân All gevârd. Des ze wârem vnd offem vrkûnde. Vnd ze Ainer bestâten Vesten sicherhait. So / habint Wir vorgeanten baid tail. diser gegenwûrtigen Buntbrief zwen gelich mit Ainer hand gebetten vnd gehaissen schriben. Dâran wir vorgeanter Grâf Albrecht der elter von Werdenberg.<sup>1</sup> ÿnser Jnsigel von ÿnsers tails wegen / des ersten gehenkt habint fûr ÿns vnd all ÿnser erben vnd nachkomen. Dâr zû wir obgenanten sin Burger vnd lût gemainlich ze Bludentz. der selben ÿnser Statt Jnsigel och fur ÿns vnd All ÿnser nâchkomen gehenkt habint an die selben / brief baid. Vnder dû Baidû jnsigel. Wir vorgeanten lût gemainlich Jn Montafun. Jn dem hof ze Santspeter<sup>2</sup> vnd jn dem Tal vnd gericht des Silberberges.<sup>3</sup> wir sigint Gotzhus lût frÿgen Silbrer Wallser Vogtlût ald eigenlût. oder wie / Wir genant sigint. Vnd dâr zû der Burgherr vnd die lût ze Bûrs.<sup>4</sup> vns willeklich. vnd vesteklich verbunden habint vnd bindent fûr ÿns vnd all ÿnser nachkomen. Alles des so hie vor An disem brief geschriben. stât vnd beschaiden ist ân all ge- / vârd Des selben Alles Wir obgenanten Burgherren baid. vff den zwain Vestinen der Alten vnd der Nûwen Schellenberg<sup>5</sup> vnd alle die lût die dârzû gehôrent. der keller ze Wolffurt.<sup>6</sup> vnd alle die lût die dârin gehorent. vnd mit namen / Alle die lût. die der obgedâcht vnser lieber genâdiger herr Grâf Albrecht der elter. vor den zwain Schlossen Bludentz vnd Montafun<sup>4a</sup> sitzzent hât Jn Walgô vnd och hie vß Jm land ob der Bregentz<sup>7</sup> hervff Allenthalben. ÿns och Wille- / klich vnd vesteklich verbunden habint vnd bindent fur ÿns vnd all ÿnser nachkomen mit krafft vnd vrkûnde der zwaÿger Buntbrief Als hie vor ist beschaiden ân all gevârd. An die selben brief baid. Wir Vorgeanten der Amman der Rât / vnd die Burger all gemainlich ze Veltkilch. der selben ÿnser Statt Jnsigel fûr ÿns vnd all ÿnser nâchkomen. vnd och fûr dis nâchbenempten erbern lût. ÿnser gûten